

АССАЛАМ

assalam.ru

НА ДАРГИНСКОМ ЯЗЫКЕ

РУХЛА ВА БАГЪУДИ ТИИТБИРНИЛА ШАЙЧИБСИ ГАЗЕТА

№ 6 (119) июнь 2009 г. / БАЗЛИ ГЪАЧАМ ДАРГАН МЕЗЛИЧИЛ ДУРАБУЛХЪУСИ / Джумаду-ль-ахир 1430 г. Багъа 15 кьуруш.

ХІЯББУЗРИ

РАЖАБ БАЗ БЕХІБИРХЪУ

Аллагълис дезабиаб, Жумадул-ахир базлис гѐлабад нушаб Ражаб баз савгъатбарнис. Ражаб баз – чябхъинтира дургъбира къадагъадарис баз саби. Ил базла у бетаурси саби «зулмурти дирнилизиад гѐлумбизес – сабур бирес» ибти дугъбазибад.

Баракатла – гѐхидешунала дурхъати хіяббузразибад ца саби Ражаб баз. Ил баз пашманиънила, тавбурнила, цабехличил цабехі разидешличил ва хіурматличил къаршибиркнила, Аллагълис тѐгъят бирнила баз саби. Чесадиути Шягбан баз – дигила ва Аллагълис тѐгъяті бирнила, Рабазан баз – цабехличил цабехі разили гъамбирнила, уржибдешла ва гѐхидешуни дирнила бузри сари.

Дахъал гѐхидешуни дарес гѐхисі баз саби Ражаб баз. Аллагълира сахаватли сунела уркѐци гъарилличи чебетиахъуси дурхъаси баз саби. Ил багъандан нушачи чебиркур Аллагълис тѐгъят бирнила къяйдурти, бусурман адамла чеблуми гѐхил дяркъес, бусурман адамличил лайикъли гѐмру деркъес. Урки-уркиларад тавбарадарили, калунти дехібултира черахъес виубцад имцали къайгъибарес.

Ражаб базла цаибил хамис бархіра дубуци дурхъаси саби. Цаибил жумяг дугира гѐбадатлизиб беркни дебали дурхъаси саби. Ил дугилис Лайлат-уль-Рагъаиб или биклар.

Ражаб базла 27-ибил дуги тамаша-гѐламатла анцѐбукъ кабикипсири-нушала Идбаг г Чевяхіси Къудратла Веґли Пяршличи ахъуципсири –Аль-Исраг ва-ль-Миграж.

Ражаб базла 27-эсил бархі дубуцира дебали дурхъаси саби.

Хіядислизиб бурули саби: «Аргъая, Ражаб баз Аллагъла баз саби Ил базла цаибил дуги гѐбадатлизиб беркибсила, илала чарх бекібхіелера урки хіеубклар. Чевяхіси Къудратла Веґли илала бекілизирад гѐхидешуни картіу ва сай нешли варкъибхіеливан бунагъуназивад умукайрар. Илхіели ил адам,чучи жагъаннаб хіерти 70 азир бунагъкарлис шафагъятли виес вирар».

ИДБАГЛИЧИЛА г БАЯНТИ

Дурхъати халифуні

Гъалагъай

Аллагъла вакилла (Аллагъли дурхъара чевяхіра варабну сай) рухла шайзибад жагаси бяркъ касибти, илис марти асхіябтала уржибти къяянала гъабкъянаби саби «Хулафа Рашидин», дурусли буралли – «Дурхъати авал халиф». Хіера, илди саби идбагла г бегілара гъамти ва илис дигути асхіябтала зубартала халаси цахнабик (Абу-Бакр (р.г), Пумар (р. г.), Гусман (р.г.), черяхіти адуцалала дурхъаси Гяли (р.г).

Духути адамтани белгибарни хіясибли, инсаниятла исторіялизиб, жагати адуцалала, бархъдешла, адамти дигахънила ва адаб-хіяла шайчиб, сегъунтилла ташмишдеш агарли, къулайдешунала «Ас-Саадат» Манзил сабри. Сенкун илгъуна талихла манзиллизиб хіериурли Мухаммад Мустафа (Аллагъли дурхъара чевяхіра варабну сай). Ил манзил къелгѐббикусири

илала сахаватдешла, уркѐцила ва рухла шайчибси асарлиуб. Ил манзил ил левнила талихли, мурхъли пикрибикнила агихіэйзиб ункъли ва гъарли-марли багъуртири Аллагъра Илала Вакилла г Ит манзилла жамигъят, бахъхіла мурхъси цѐбдешлизибад чебсаргъили, гъалабхі арбякъундешла, талихла ва адабласи бетуцла бегілара чихъси ахъдешличи баили, Аллагъ уркили вагънила даражаличира бикиб – «магріфатуллагъ». Ил обществолизи каберхурти биалли, Исламла исторіялизиб «аль-Асхіябуль-Кирам» саблин калун. Цархилван буралли, «дурхъати асхіябти» гъар шайчибад ва урки-уркилабад дурхъаси Идбаглис г даим мартили калун. Ил багъандан, Аллагъла Вакилла г дугъби, баркъудлуми, бетуц гѐхил дяркъурти, саркъахъили нушачи даахъибтала цайли цаси насаб саби асхіябтала. ➤3



ДАГЪИСТА МУФТИЙЛА
ЗАМЕСТИТЕЛЬ ХІУРМАТЛА
ГІЯЛИМ

**ГІЯХІМАД
ХІЯЖИ ТАГАЕВ**
гІямрулизивад
шалгѐвухъун



Дугила къанси манзиллизиб вайнукъяби чебухъи, Дагъиста муфтийла заместитель, хіурматла гѐлим Тагаев Гяхімад хіяжис хіилла бариб. Ил замана Гяхімад хіяжи мижитлизибад хъули аркъурли. Белгили ахенти адамтани тапанчализибад чуйна-сабил къяйкбарили саби. Пур къалаба-хъярхъли ил мерличибад автомашиналичиб гъаббухъи саби.

Декли вяхъиси, дяхъи-хъаслизи гѐлавикибси хіурматла гѐлим итмадан таманкайубли сай. Такъсирчиби баргес багъандан дахъал умцѐлаби дурадъркили хъалли, гъачамлис илди гъардизурли ахлен.

Гяхімад хіяжи Тагаев кавшни, илис хіилла барни илала халаси бузериличил бархбалсахъули саби. Республикализив ил динна шайчибси экстремизмличил халаси дяви бузахъули машгъуриубсири.

Нумрада:

САГАТИ ХАБУРТИ

ЧІРКІЕЙЛИЗИБ – МАВЛИД

ДАРМАН ВА САГЪІРНИ

ХІИДИРХЪНИ – ХІУШАБ ГІЯХІДЕШ САБИ

АРХИТЕКТУРА

Кордовализибси МИЖИТ

СУАЛТИ ВА ЖАБАБТИ

САГАТИ ХАБУРТИ

Олимпиадаличиб чедибикиб

Теологияла ва халкъани-ургарти бархбасунала Институтлизиб гяраб мезла ва исламла гилмуртала шайчибси Лебилроссияла олимпиадаличиб чедибикибтала ва республикализирти вузанала ургабси бухгалтерский учетла шайчибси олимпиадаличиб цюб арцла призличи лайикъбикибтала хурмат бариб.

Гяраб мезла ва исламла гилмуртала шайчибси Лебилроссияла киибил олимпиада Казань шагъарлизиб бетерхурсири. Илизир улкала гьал региона вакилтани бутлакъяндеш дариб. Татариялизи олимпиадаличи Мяхлякъялализибси теологияла ва халкъани-ургарти бархбасунала Институтла студентунала кукъяра бякунсири. Гялабван илди приз лугути кел мер дуцили чарбухун.

Мяхлямадов Мяхлямадли «Гяраб мез» биклуси номинациялизиб гялабси мер буциб. Илдини имканти 160 очколизирад 158 сархиб. Мяхлямад киибил мерличи лайикъбикибси Татариялизиб студентлиси

38 очкола гялавхун. «Хъардарибти суалти киянти сарри, амма илди гунчидушес бажардикира,-- разили сай олимпиадаличив чедибикибси Мяхлямад.— Казаньнизиб нушаб дебали гяхил гъунибаиб, гяхлядеш дариб».

Бурес гягнибиркур М. Мяхлямадовлис чедибдешличил чарухунхели, Дагъистайзибра разили гъунибаиб. Институтла экономика ва информатика факультетла декан Сягид Сягидовли бурни хясибли, Гумбетла районна халкъли (илаваси сай М. Мяхлямадов) ил кункси автомашиналичил шабагъатлавариб.

«Динна гилмурти» биклуси номи-

нациялизив киибил мерличи лайикъбикиб теологияла ва халкъани-ургарти бархбасунала Институтла студент Мурад Хяйдарбеков. Илдини иш яргалис илгъуна олимпиадаличир кинайс бутлакъяндеш дирулри. Арбякунси дуслизиб бедибси хъарбаркъличиб ишдус бедибси гяхлядла кияниси сабри, амма ил гунчибушес валкъаур. «Наб беклил хабар аги хъули чардухунхели нушала ишцад хурмат биру или,-- бурули сай Мурад.— Ну разилира Институтла преподавательтани ва студентунани нушала ишцад халаси хурмат барниличи.

-- Нушани олимпиадаличи бархъес Мяхлямадра Мурад декларбарибти хязлис ахленри: илди нушала институтла гяхлигъунти студентунала лугилизибад саби. Илдани нушала умутуни мардариб, -- бурули сай гяраб мезла кафедрала заведующий Гябдуряхман Гябдуряхмановли. Ил студентуни букили олимпиадаличира вякунсири.

«Дагъистан» РИА

Чирклейлизиб — мавлид

Чирклейла урга даражала школализиб терроризмаличи ва наркотикуначи къаршили дяви бузахънилис багъишлабарибси мавлид дураберкиб. Школализиб илгъуна балбуц дурабуркниличила мерла телевидениелизибад жумяг гялабал багъахурсири ва илизир бутлакъяндеш дарахъес жибирути кагъурти дархьибтири.

Мавлидлизир бутлакъяндеш дарес бахъал адамти музабухун. Илдала ургаб лебри школала учительти ва бучланти, районна багъудила управлениела ва Буйнакъский районна администрацияла хянчизарти, Дагъиста рухла идарала вакилти, Мяхлякъялализибад, Буйнакъсклизива, Дубкилизива, Сагаси Чирклейлизибад, Казбековла районна шимазибад музабухунти бахъал гяхли. Дураберкибси балбуцличи илизир бутлакъяндеш дарибти лебгъеб разили калун.

Ил пергер балбуцла сиптакртили дурабухунтири Чирклейла школала 10-11 ибти классунала бучланти. Илдани балбуцличи музабухунтази аргъахъиб саби къачагъдешличи ва наркотикуначи къаршили биъни, чус паргъатли хербиэс, бучлес ва рухла дунъя давлачеббихъес дигули биъниличила. Илдани бурулри «Исламла идеяби арцлис дицес асухебирар» или. Илдас гямру лушес дигули саби, делхъес ахленну.

Къачагъдешра наркотикунира ишхелла заманала къявга сари,



Ас-Салам фото

илдала къурбунтили бетарули саби беглара гялаб жагъилти. Илди балагъуначи къаршили дяви бузахъули биъниличи херхелили, илдани дагъри агъуладарибти бархиличи бархли имцлабиклули саби ва халкълизиб халаси паргъатагардеш алкъахъули саби, сенкун нушала челякъкялис урежи булан аклули саби.

Школала бучланта ва мавлидличи музабухунтала гялав Чирклейлизибваси машгурси шайх Сягид-афандира гъайухун. Гъунибаъниличиб гъайбухунтала лугилизиб лебри Буйнакъский районна администрацияла бекла къуллукъуни дузахъули Сайнудин Асхябов, Чирклейла администрацияла вакил Чаландар-хяжи Хяжиев, теологияла Институтла ректор Макъсуд Садиков ва цархилти.

Школала педагогунала ва бучланта коллективла шайзибад мавлидличив А. Пямаровла уличилси цахнабси багъудила урга даража-

ла белчудила заведениела директор Мяхлямад Батирханов гъайухун.

Илдини адамти ца итилличилехирхъахъес, жаланазиб белгити дазурбала бухнаб кавлес бурсибихъес жибариб. Школализиб илгъуна балбуц дураберкнили чула школала дурхначицун ахленну, гяхлячир гяхис асар барниличила буриб илини.

Адамти имцали малхямтили, гялакхлебиклутили бихъес жибариб.

Ил балбуцлизир «Дылим» ва «Нашидул Ислам» биклуту къукънала артистунани бутлакъяндеш дариб ва макъамличил динна темала тулкни делчун.

Гъайгъай, ил балбуц ункъли бетерхиличи сиптакардеш дарибти школала бучланти разили калун.

Аллагъли къабулбараб жамигъатла духнар гяхити тяхяр-къайда кадизахъниличил бяхичаибси ил пергер балбуц.


ХИЯМС

Къудратла ВеГ
Аллагъли гъарил
даршдусла
бехлихъудлизив
умматличи ца
дин сагабиран
яра бахъал дин
сагабиранти
бурхъули сай

«АС-САЛАМЛИС» — 15 ДУС

Набчи кел шала дакиб

Ахлерси
«Ас-Салам»
газеталис — 15 дус!
Хурматла узби ва
рузби!



Пурбанбарая Ингушетияла лебилра бусурмантала ва дила шайзирад хлуша «Ас-Саламла» цаибил номер дурабухунхейчирад 15 дусдикниличилурки-уркиларад мубаракдарахъес. Хлушала газета бучлухели, дила урки-хял дарсдирули сари, Къудратла ВеГ Аллагъли бирхауди ва диги набзир имцладирули сари. Хлушани кадирхъути белкянанни мурталра адамтала уркибази гъуни бургули саби ва разидеш бихули саби.

Хлушала бузери Аллагъли къиматлахлебарил хлебалта. Ислам тинтибарес багъандан хлушани бурес агарли халаси хянчи бирулпра. Хлушани динна хлекълизир кадирхъути белкянанни адамтала уркиби берхиливан шаладирахъули сари ва ванадирахъули сари.

...Урчлемал дула гямруличив тухтуртани сегъуна сабилра хлебалуси изайзи викибси ну дебели инжитирулри, тухтурта наб кумекбарес бирули ахленри. Нуни гъаман муэрти чедиулри ва илдазив ну итил дунъялизив къаршиирулри. Ну муэрлизив висира ва чевсаргъибхели гянала шинкъабубли бургира.

Гъачам набчи кел цюба шала музадухун. Нуни илдази хъарбаира: «Хлуша унза къяпси хъули секъяйда духнадухунра?» Шалали набзи кел цюба мява чедаахъиб ва иб: «Ишди келпра цаличи ца чекадихъалли, адам чинилра чехлейуси ветаруси сай». Илхейчибад дила михъирла камличи балуй шайчиб цюба мява багъарбиуб. Илхейчибад ну гярабла хатли жагали луклес бурсивибра. Гяраб мезли белкунси белкличил наб ца херизасли баибси саби ил бурес агарли жагали чеббелклес багъандан.

Дила гъамтала юртаназир нуни гъанна-лис 50 дус гялар готикала хатли делкунти Къуръаннизиради аятуни гъаннара мяхкамли дихули лерал. Лер илкъяйда нуни жагали делкунти гяхляд хядисунира. Гъанна ну 60 дус виулира. Амма итхели Аллагъли наб гисби пагъмулизибад гъаннара мяхрумиубли ахленра. Гъар бархли ва гъар сягъатлизиб ну каллиграф сайлин гялавял вашулра.

«Ас-Саламлизир» хлушани кадирхъути белкяни нуни дурхъаси Кягъла алавбарниличил цугдурцулра. Газетала гъарил бяхли пикри биткилули саби. Кадирхъути лерилра белкяни наб гяхлядизули сари.

Лерилра рубрикаби гякъула океанничил цугдуцалра хатла бетхлерар! Гъалар хедалути сецад мягничерти баянти касес вирулил хлушала газетализирад. Илдикун гур чинаралра даргес хейрар. Назранъна мижитуназиб хлушала газета беглар гяхис гяхляйзи халбирули саби ва илчи мурталра херли саби. Аллагъ разили калаб хлушачи.

Халит Колоев,
Ингушетияла Республика, Назрань.

Хурматла дучланти!

Хлушани «Ас-Саламлис — 15 дус» биклуси рубрикалиур нушала газетализи кадяхъахъес газеталичила хлушала пикруми ва шикаятуни дархъес дирудая, нушани илди иштхиличил къабулдирехле ва нушала газетала яргаличили номерти далкъарахъухели хисаблизил кайсехле. Хлушани белкличил барх хлушала суратра бархъес дирудая. Нуша хлушала кагъуртачи херлира.

Газетала редакция

ИДБАГЛИЧИЛА БАЯНТИ

IV Илди саби гьарли-марти авал асхляб — «Хулафа Рашидин». Чула урклиби Аллагъличи ва Илала Идбагличичи г дурхъати дигили нурливан шаладарибти мардешла асхлябти таманни барсбиубтири, чулира Идбагла г адуцала, жагати къиликъуни, адаб-хияя гьерасибтири. Хлурматла Идбагличичи г дигили бицибси илдала рухля шайчибси дунья зурба клялгначи — Аллагъ урклибани

къаршили калзничичи шурдхъунхлели, Мединализичи аркъулри. Ил гуйчиб Севр биклуси гинихъ чебаахъибсири. Илар илис гьаргдиубтири Аллагъла дахъал гялааматунира.

Гур ил Аллагъла хлекъдешунази мурхъиркнила ва урклиби гьаргдирни-ла шайчибси школали бетаурсири. Илабси илала архля хлябал бархлира хлябал дугира бухъанбитлунсири.

Абу Бакр набзив, ну биалли — илизив...

Аллагъличи халати дигила ва Иличи гьаргдешла ламилизи кягници, Абу Бакрли (р.г.) сунечила хъумкартурсири. Чянкли Аллагъла Идбаг г левнили ва илала мякълав вирес имкан акнилицун сайри гямрула хлекъдешличи чарухъ-ахъунси. Абу Бакр Идбагличичи г

ХИЯМС

ОЖАФ

гъамбиклхлели сужда бирнила шайчиб цябти адамти ва багъудлумачи хъархлейхъути гялимти бирар

Дурхъати халифунни



вагънила хазначичи — Магрифатул лагъличи шурбухъун. Гямрула бетуц белгибирути-сипатбирути илдани дурути, сарира пасихдешла ва беглар мурхъти ва дурхъати багъудлумала хъулчначир делшунти, беглар жагати насихлятунили ва гьерасести гьибратунили детаур.

Нушала Паччял Идбагли г дурхъати авал халифла манзилличила гъалахили бурули, ил виклусири: «Ну арякъи гьергъи караматчебтала Халифат гурра хлябцали дус кавлан».

Илкъяйдали, илини бурибсири сай агарвиубли гьергъи Халифат вавали бирхъути ва ил хлярхбулхъути манзилти дирниличила.

Дурхъаси Абу Бакр Ас-Сыддыкъ

(Аллагъ разили калаб)

Дурхъаси Абу Бакр, Аллагъла Вакилла г мурхъти дигила ва игъ-дибарла ахъси даражаличи лайкикибси, араглев илис марли калунси ва сай илис багъишлаварибси, "Аср Саадатла" манзил цаибил халифли викибсири. Илини Идбагличичи г рухля шайчиб дурусдеш-уржибдеш сархиб. Ил иличи мешукиб, цагъун-сили ветаур. Аллагъла вакилли г иб: "Дила уркилизир лерти гьар секлал нуни Абу Бакр Ас-Сыддыкъла (р.г.) уркилизичи минадарира».

Аллагъла Вакилличичи г рухля шайчибси гьамдешла даража, цаван пикрибикни илис дурхъали кабизур-сири — балу-балули дуньяла дахъал нигматуназивад, къулайдешуназивад сунени сай мяхлурмварибсири (ишаб Аллагъла вакилла мурадуни детер-хахъес къуллукъличи кайзурли ибси мягнализичи). Сенклун гьарли-марси адамли беглар дурхъаси багъа бедес мяштхлебиру дурхъаси адамла, дур-хъаси Идбагла г диги сархес багъан-дан. Камси манзиллис нуша сунезир хьердируси дуньялис багъа биалли, ил Аллагъла шайзира диги сархес диъни саби.

Халаси хлурматла Абу Бакрли (р.г.) Къудратла Вегл Аллагъличилти ва Илала Вакилличилти г дурхъати гьал-магъдешла муриси тлагъам ва имкан касес, гьалмагъдешла ва дигила чеблалув кахелес багъандан лерил-ра гямрулизичи хляракат бируссири. Аллагъла Вакил г биалли, тлагъат бир-нила шайчир дактутира диглянатира баркъудлумала ва адуцалала шайчив беглар халаси ахъдешла цугдай-нив сайри. Маккализив вецну хлябра дус тилади-бусравиклули, аргъахъес къайгънавиркъули хъалли, гляхдеш хлебиубли, къайгъни цабехличи цабехл

Идбаг г илав сайцун цунни ахленри. Илала юлдаш, идбагунас гьергъи дунья-яла адамтачив беглар дурхъаси — хлурматла Абу Бакрли (р.г.) игъбарла пай баибсири — илди хлябалра дуги-хлери идбагличичи г варх гиникълизив виэс. Ил манзил гинихълизичи лебти хляблизивад ил клиэсил сайри (илда-чил варх Аллагъла леври). Хлекъдешла Нур г сунела дурхъаси юлдашлизи «...шишиммайкюд, Аллагъкун нушачил варх сай!» виклули, (ат-тауба, 9/40/, Аллагъли аркляхъути къулайде-шунала, гьабурцнила, дигляндешуни гьаргдируссири.

Гилму делчлунти гялимтани илгъу-на анцбукъ цазаманализичи диглянали зикру бирахъес бурсибирнилис бехлибхъуд саблин ва Аллагъла гьалар урклиби урухкнилис цаибти лишанти даклюдухъни саблин сипатбирули саби.

Тасаввуфлизир уркиличирад уркиличичи дигляндешуни дурхъниличила гъайкиалли, Исламла тарих-лизичи (историялизичи), илгъуна цаибил анцбукъ кабикибси мерлизичи хал-бируси саби Севр биклуси гиникъ. Илдигъунти цаибти диглянати багъахъ-ниби бег гьалар дагъес игъбарла пай Абу Бакрли (Аллагъли дурхъава-рабну сай) баибсири. Ил багъандан, хлурматла Ас-Сыддыкъ (р.г.), дунья лебалцадхли даимбируси, Мургъила Силсилала Идбагла г гъуни даимба-рибтазивад цаибил сай.

Цархилван буралли, Севр гиникъ рухля шайчиб бехлибхъудла багъу-ди кайсахънила шайчиб мягничебси анцбукъли бетаур, суненира дахъ-ал дигляндешунала гуйчив лагъ Аллагъличи гьамируси.

Илини иргъахъути саби, лерил-ра дурхъати ва черяхти гьундура-ла бяхлибиз, къасани ва хъулани Аллагъличи ва Илала Вакилличичи г дигила даражализирад дигахъути диъни.

Дигила шуртлрили ва лишанни диэс дирар веглис дигуси адамли чебкибси гъуни гьаббуцни. Дурхъаси Абу Бакрла (р.г.) гямру илдигъунти лишантани дицили сари.

гьар къаршикибхлели хлявалтусири (Аллагъличи дигили сунечила хъумур-тусири). Идбагла г мякълавхлели биал-ли диги гъатиралра цакъдиклутури. Гъачам Аллагъла Вакилли г иб: «Ну Абу Бакрла лебдешличилван чилал-ра лебдешличил пайдалахлейубра».

Сунела сай веглиси "ну" беткахъахъ-ибси ва Идбагличичи г халати дигили вицибси Абу Бакр Сыддыкъли илди гъай аргъибхлели, илис сай Аллагъла вакиллизивад г къяккердибсиван гъа-наур. Вайтла уркли къизбухъун. Илгъуна декларикни бетхлеахъес къасли илини иб: «Я, Аллагъла Расул! Нура, дила лебдешра хлела, чянкли хлелацун ахленрав?»

Илини иргъахъули саби, Абу Бакрли (р.г.) сай ва сунела лерилра гямру дур-хъаси Аллагъла Расуллис г багъишла-дарни. Чула клилалра бархбасунала хлекълизичи Аллагъла Расулли г иб:

«Абу Бакр набзив сай ва ну или-зив сайра. Абу Бакр иш дуньяли-чивра дила узи сай, ахиратлизивра узи сай».

Иличибли илини баянбариб саби рухля шайчибси цаси дунья-личиб биъни ва чула урклиби цаван пикридикни.

Идбагдешла дигляндешуни дагъахъурси беглар гъамси юлдаш

Дурхъаси Абу Бакрли (р.г.) сунела уркли умуси, цяр-цяр или рурхлуси дяхлимцалаван умубариб, суненира Аллагъла Вакилла г рухля шайчиб-си дунья чебаахъес бизсли. Аллагъла Вакилличил бархбасунси гьарил секляйзи вархвасили, Абу Бакрла (р.г.) уркилизичи мурхъси пикрира мягнара минадиуб. Чевяхлси Къудратла Вегла аятуни, Аллагъла Вакилли дурути ва дирути гьар секлал мурхъли пикри-дирнила ва илди иргънила шайчив ил лебилра асхлябтас гьалавхъун. Сунела пасихдешличибли, секлал хъархъли

иргъниличибли ва мурхъли пикривиклес балниличибли, гъалахили секлал бал-ниличибли, илини имцлати адамтас аргъес имканли ахленти секлал аргъи-ли гьунчидушиб. Хлера, аркъянайла хлягла замана Чевяхлси Къудратла Вегли ишгъуна аят бархъибсири:

«Ишбархли Нуни таманбарира (бурхъуси) хлушаб хлушала динничичи бурхъуси, Дила урклеци ахирличичи бушира ва хлушаб хлушала дин саблин Ислам чебиклира» (аль-Маида, 5/3/).

Илаб къаршикибти имцлатигъунти чус дин белгибарниличичи разибиуб, амма гъалахили секлал балуси дур-хъаси Абу Бакрли аргъиб Чевяхлси Къудратла Вегли Сунела дигуси Расулг вахъли агарли ахиратла хъули аркниличила. Вахъли агарли илизи-вад декларикес чевкънила децли урки шишим анцкъили бициб.

Абу Бакрла (р.г.) караматдешличила ца гъатли баян

Арадеш нукъсанбикни багъандан, сунела гямрула гьергъити бурхназив Аллагъла Вакил г мижитлизи вашес вирули ахленри. Жамигъатла дехлибала дирухлели имамли вирахъес Идбагли г Абу Бакрличи (р.г.) хъарбариб. Ца бархли, бара къулайдеш гъанаур-ли, Идбаг г мижитлизи гъаввакиб ва асхлябтачилси ихтилатлис гьергъи илини иб:

"Гьарли-марси Чевяхдешла Вегл Аллагъли, Сунела лугърази-вад цалис ихтияр бариб дуньяла лигматуназибадра сунела лерти лигматуназибадра чидил биалра ца чебиклахъес. Ил лагъли Аллагъла лерти лигматуни чердиклиб.

Илди дугъбани дигили бицибси Абу Бакрла уркиличичи халаси асар бариб-- анцкъили ва хумардешли буциб ва илала хлулбазирад къуткъути нургъби чяхлдухъун. Илини итмадан аргъиб Хлурматла Идбаг г чузивад деклариркнила гъайличил чучи дугъай-зурли виъни. Илклун сунела идбагдеш-ла дигляндешуни гьаргдарибси цайли цаси адам сайри, Илхлели нургъбани клантликлули, илини иб:

— Я Аллагъла Вакил, хлу багъан-дан къурбунтили биаб дила неш ва дудеш. Хлу багъандан нушани нушала дудешуни ва нешани, нуша-ла гямру, лебдеш ва дурхли кьурбанбирехле (Гляхмад, ш, 9/).

Ила цалабикибтазивад ца Абу Бакр ахленси чилра шахлейкиб дурхъаси Идбаг г дуньялизивад деклариркули виъни. Я асхлябтани балули ахленри Абу Бакрла нургъбас сабаб. Тамашабирули илди цализи ца биклутури: "Тамаша, гьести гямрула ит адам сен висуси? Аллагъла Вакилликун Аллагъличил вархикес дигуси дурхъаси адамли-чила бурули сай".

ДАРМАН ВА САГЪИРНИ

Диляра РАСУЛОВА,
Москвализирси «Ас-Саламла» корр.

Адамла биркунти асагъдирахъуси ва илдала дузни къулайбирахъуси тяхяр саблин хидирхъни пайдалабирес бегл гъалаб Китайлизиб сабри бехлибихъибти. Ил тяхяр бузахънила пайдала чебкад ишбархлира деклар-декларти улкнала гялимти ва тухтурти жаланазиб лебал. Исламла Идбагли г бурсири «Варализирра хидирхънилизирра – дарманра сагъирнира лер!», «Ну Аллагъла малаикунани гяршличи ваахъибси дуги лебилра илди набзи биклутури: «Ва Мухаммад г, хлед чебиркур хидирхъес (хиджама)!» -- тикрарбурсири илини. Жабраил малаикли (христиантала хлясибли Гавриил) дарман дирнила ва арадеш къулайбирахънила ил тяхярличила илцадра имцъали гъанбуршусири, хлятта Идбагла г пикри аклубсири – иш лебилра умматлис чебси (фарз) ахленара или.

Хейгеси биаллира, хидирхъни-личила (хиджама) светская литературализиб тинтлти бурили ахлен. Нушала манзилла гялимтани ва тухтуртани дарман дирнила ил тяхяр гъачамлис чебетаахъили бяркъурли ахлен ва камли пайдалабирули саби. Ил тяхярлизир, биклутиван, гъачамлис дахъал «цуба дамкъни» лерал. Илди хаслира урух-бирахъули саби, урга даршудсазиб дяхънушабани дармандирнила ил тяхяр бузахъули, азирти адамти гямрулизибад мяхрумбирахъутири ибси пикрили. Илкъяйда итхлели нясдиубти, «венабазирти», гъайгъай, чус илдигъунти сари или гъанбиркни хлясибли, хилизибад хамха умубирахъусири ва ит замана лерти лерилра излумазибад зягипти сагъбирахъуси беклибиубси тяхярлизи халбурсири хидирхъни.

Бурес гягнибиркур, Идбагла г заманализирра, гъаннала манзиллизир къяйдали, лерилра деклар излумас ахленри хидирхъниличил дармадирути. Хидирхъниличил биркунти венабазирти (урга даражала туми сари) заядиубти хилизирад ахленрину умудирути, каппиляртазирти (имцъали диштлати туми сари) хилизирад сарри, илкъяйда адамла къаркъайзирти хли сагадирахъутири ва цахнабли хли дузнила кабизла бузери къулайбирахъниличил гяхлси асар бурсири. Хидяхънила асар къакъла члалалициун ахленну, бекла мехлеличира чебетуисири. «Хамха имцъали бумжули биалли, хидирхъни пайдалабарая, илхлели хли рурхъесхледирхур. Хли дебали

Хидирхъни – хлушаб гяхлдеш саби



Ас-Салам фото

демжалли, адам вебкес асубирар», «хидяхънили тлашкадизурли дукъдуунти хли дурадулхъахъу, къакъла члалала ибхлудеш къулайбирахъу ва хлулбала шала имцъабирахъу», -- илдигъунти ва цархилти хлядисунани марбирули саби дармандирнила жура саблин хидирхънила къиматчебдеш. Илала дурабад, нушала идбагли г бекл дебали изухлелира (мигрень) сунела хидирхъусири. Къяшла яра някъла лига дурабухъунси, дьедердиб-

хила гъаж имцъабиубхлели, амма жихл дураути препаратунли лерли гьегъи, ил тяхяр пайдалабирниличил детулхъес хляжатдеш кавлули ахлен»,-- бурули саби илдани. Хидирхъни беклил пайдалабирес асухлебирути журала адамтира лебли саби, сенкун илдала хли къяянни утули сари яра беклил утули ахлен. Асубирар бухълухъуни пайдаладирес (рудотерапия). «Хидяхънили биркунти жагъдирахъули сари, илдала дузни къулайбирахъули саби»,-- виклар

«Идбагла г заманара пайдалабирули калунси хидирхъни ишбархлира адамла арадешлис къуллукъличиб саби. Хидирхънили биркунтала бузери къулайбирахъули саби, биркунти жагъдирахъули сари»,--бурули сай илини

си ва къяш изуси анцбукъуназира лутли къячлализирад хидирхъусири. Иличила нушази балахъули саби Идбагла г хлядисуни даахъибтазибад имцъатигъунтани. Убла манзилла бахъал гялимтани ва дяхънушабани, Мухаммад идбагли г бурибси марбирули, хила гъаж имцъабиубтасра хидирхънили мар-марли гяхил кумекбирули биъниличила бурсири. Бемжурси хамха тяхлубирахъули биънира хлясибарибсири дармандирнила ил тяхяр пайдалабарибхлели. Гъаннала замана аллергияла гяхлцад журабас, кесмалис, туберкулезлис, чакарла изайс, остеоандрохла дахъал журабас, дягла излумас тухтуртани хидяхъниличил дармандирули саби.

Ишбархлира «Гядатлибиубси медицинала» ируси бяхлибибизла вакилтили сабти тухтурти зягиптас дармандирнила тяхяр саблин хидирхъниличил халати васвасъалаличил хлербиклули саби. «Хидирхъни пайдаласи саби

набзи Пятигорск шагъарлизибси «къалабаси кумекла» станциялизив кардио-реаниматологилузузи В.Г. Захарченко. Амма илинира марбариб хидирхънила тяхяр гъалаб имцъали бузахъули кални ва гъанна ил сенал камли пайдалабирниличилара буриб. Илини суненира хидирхънила тяхяр бузахъули ахленри ва иличил камли тянишсира или муклурлири. Халкъла медицинала дяхънуша Нефтеюгансклизивадси Исмягил Шайхлисламов гъар бархли автомашиналичив сай хлерируси мерличибад 60 километрла тядили мерлабиубси районна центрлизи вашули сай зягипти адамтас дармандарес. Илини лебилра зягипти къабулбирули сай: биштлатачивад вехлихъили, тьадабачи бикайчи, илхлелира деклар-декларти излумани инжитбирути. Хидирхъян сай ил.

Ил бирахъес ихтияр лугуси документа леб илала. Дахъал дусмазиб зягиптас дармандирнила тяхяр саблин

ХИЯМИС

ОААЕН

дармандирнила
журабазибад
пайдалабарес
дируси беглара
гяхлси –
хидирхъни саби

хидирхъни пайдалабируси тухтур сай Исмягил.

«Идбагла г заманара пайдалабирули калунси хидирхъни ишбархлира адамла арадешлис къуллукъличиб саби. Хидирхънили биркунтала бузери къулайбирахъули саби, биркунти жагъдирахъули сари»,--бурули сай илини. Тюменъна областлизиб дармандирнила ил тяхяр тинтлти пайдалара бирули саби. «Нушала опыт бяркъес, гьабасес ва чучибра пайдалабарес дигути бахъал леб. Хидирхънила технологияличи беглибес башути тухтурти камли ахлен. Набчи дармандарехъес башути Тюменънизиб дебали бахъал леб. Акъули кайибси цалра бархли хлелирар. Гъарил адамличил ну декларли узулра. Илалара халаси къадри лебси саби. Адамла цахнабли арадешла даража сегъуна сабил ахтардибирулра хидяхъес гъалаб. Зягипси сегъунти гямрула адам саял, илини сегъуна санигъат бузахъулил, сегъуна хурегла адам саял хисаблизи кайсес чебиркур. Дахъал секлал хисаблизи кайсути сари зягипсила хидяхъес гъалар,--даимирули сай Исмягил.— Хли чинар, чидил бирклайзир дирхъутилра белгибарес чебиркур. Адамла къаркъайзир излуми сагъдирахъес пайдаладирути точкаби лерти сари. Хли умудирахъули, нушани илдира пайдаладирулра. Беклизир илдигъунти дахъал точкаби-рецепторти лер. Илдани къаркъа биркунти дузниличи хлерири бузахъули саби. Масала, шутри алкниличил. Адамла хила гъаж имцъабиубли биалли хидирхъути сари беклизир ва къакъла члалализир.

Адамла бекл жагали бузули биалли, гелар калунти биркунтира гягниси тяхярли дузар. Адамла цацадехл биркунтазир хли дахъхли тлашдизурти ва заядиубти анцбукъуни гъаман къаршидирули дирар. Илдигъунти хли хамхализирад замана-заманаличи дурайес чебиркур. Хили сари адамла биркунтази дахъал баянти дихути, ил багъандан хли сагадирахъес хляжатдеш алклули саби. Донортани булан хли дедили гьегъи чула гъав гяхлбулхъниличила, арадеш къулайбирули биъниличила бурули саби. Хли сагадирнила асар саби илра. Хлязлис ахлен имцъатигъунти тухтуртани бурси, адамла арадеш 80 процентла къадарлизиб хлила тумала бузерилизибад дигахъуси саби или. Къаркъайзир хли тлашбизнигарли сагадирес гягнитти сари, сенкун адамла энергетика хилилизиб саби.

Хъумуртес асухлебирар, хидяхъибхлели адам хлялагарис асубирниличилара. Хамхализиб барсдеш кабиркухлели, илгъуна хлелибис бируси ахлен. Дахъалгъунти биркунти хидяхънили къалабали дузесдирхляхъули сари, биркунтазир сагати цакъани мицирдирули сари. Ил багъандан сари хидяхънили биркунти жагъдирахъутира.

Хъарахъуд - гурла номерлизиб



Гъар секІал хиджаблизир сари...

Хиджаб – нуни чеббиклибси саби. Илди дугъби дурес ва ахирличи бикайчи аргъес илцадра гъмадси ахлен, илхелера Къудратла Веґла хъарбаркъ дуресли таманбирули калес ва ил веґличи разили калахъес. Хиджаб хъалибаргли яра гъамтани хъарбарни хъасибли бихес буресцад гъмадси ахлен. Чедирти палтарли адамла бухнала дигъанбарес мурталра бируси ахлен къалли. Къудратла Веґлис мутиґли хъунул адамли, сунечи чъанкила кесек бергурли, иличил бекла гъез кlapдарили рашухели, хиджаб – ил ґяга хлебиъни, ил адамла пикрумала кабиз биъни, баркъбацла ва вяшаталала ца белгиси бетуц биъни балули сари, ил хъасибли хлеррирес хъатли биъни иргъули сари. Ил сунени сари бяркъла шайчирти белгити дазурбала рухнар рихули сари. РъхІра някъбирацун гъаргли датурли хъалли, ил вайти хъятлабигъатла лишанти даґардулхъахъес даимриубли риалли, илини бихуси хиджабла къадри бетихъахъу. Адамла чедибадси чебаъра (куц) бухнабси дунъара далдикили, цали итил чедирцахъули диэс ґяґнитти сари. Сунезирти кабизалачебдешли, халахлерурхнили, хамдешаґрили, сунела мер балнили, урезили лерилра замунтазир черяхірирусири бусурман хъунул адам. Хиджаб сегъуналра анцбукулизиб я хъанчилис, я белчудилис, я бамсрихънилис дирґалабухъес бируси ахлен, эгер хъунул адам асудироти дазурбала рухнар калес рирули риалли. Исламла хъунул адамтазис ил шайчбси жаґадешличи цархилти динанала вакилтанира пикри бяхичиули саби.

ХІЯМІС

Хіяжәт ханализи балуй кыяшличил айцінили мискиндеш ґердиахъу

Кембриджла университетла халкъани-урґабси политикала преподаватель Сара Сильвестрили гъалабван сагаси хъалумцлала хъанчи балкъаахъур. Илала тема сабри: «Европалан бусурман хъунул адамти: илдала къасани ва имканти». Илини кабизахъур Европализибти бусурман хъунул адамти чуни мяхкамли дихлути ва дузахъути динна ґядатунас мартили кавлули биъни. Илдани Европала жамигъатла бухнабра чучи лайкъси мер баргили саби. Илдани саби европаланти биъниличи пахрубирули саби, амма илхелера илдани динничилси уржибси бархбас къябудахъули ахлен. Илгъуна хъалумцла дураберклес хъатти харжани Белґияла ґилму ґеббурцуси фондли деклардарибтири. Саби хъалумцла биалли бахъал бусурман хъунул адамти хлербирути Брюссель, Лондон ва Турин шаґуртазиб дураберклибсири. ґялимли 49 хъунул адам хъарбаиб ва илдази анкетаби дицъахъиб.

къанті-къантіли бурахъира, гъар бархиллати къайґни сегъунти сарил даґурра».--бурули сари илини. ґялимли, бусурман хъунул адамтани дицъахъибти анкетабала дураад, лерґер дахъал цархилти документунира дяркъур, ил лугилизир ґялимтани цахнадяхъибти отчетунира, миллатунала статистикабала баянтира дицъахъубли. «Европализиб хлербирути бусурман хъунул адамти сабиалав кадизурти тяхъар-къяйдаличи, ґямрула бетуцличи разили саби, илдани демократия, азаддеш, право къиматладирули саби. Илдас дигули саби челякъваллизиб чула дурхлинира Европализиб илабти мерла халкъличил уржили барх хлербирули кали» -- илгъуна пикриличи ракили сари ґялим Сара Сильвестри. Илини хъарбаибти хъунул адамтани Исламла хъунул адамтас кадизахъурти тяхъаркъяйда дузахъули хлербиэс дигули биънира хъасиббариб. Бусурман хъунул адамти ґелакабухъунти саби ибси бархъаґарси пикрира илдани цауркли убирхъули буилри.



Болґарияла правительстволли гъалабван школализи хиджабличил ва цархилти динничил дархдасунти лишантачил башахъес къадаґабирнила хлекълизибси законна проект ункъли чебаиб. Болґарияла муфтий Хусейн Хафазовли ил ганз лайкъаґарсилли халбариб ва батлун. «Ил законни бусурмантала ихтиурти дялчули сари ва чучи хъарти чеблуми тамандирахъес имкан лугули ахлен».--баґахъур илини. Муфтийли баґахъур ил челукуси суал илкъяйда бархъаґарли арзнили жамигъатла бухнаб разиаґардешцун ахленну, бижгурдешра аклахъес бирар или. Болґария -- жамигъатла мерличиб клана бихахъес къадаґабарибси ґерґисигъуна улка саби. Илис гъалаб илгъуна хлукму къабулбарибсири Франциялизибра.

Болґария Европала Союзлизи кабуруси цайли цаси улка саби, сунезибра бусурманти даршдусмала бухъандешлизиб христиантачил барх балкабикили хлербируси. Болґариялизибти бусурманти лебилрара-сера туркани саби. ґанна Болґариялизиб хлербирути 7,8 миллион адамлизибад 12 процент бусурманти саби. Бусурманти илаб чула азаддешуни ва ихтиурти далтахъниґебли дурабулхъули саби. Ил мурадличил аклахъубси партира леб.

Демократияла ва азаддешла хъархъелизи халбируси Америкализир бусурман хъунул адамтала ихтиурти дялчни, илдас хиджаб бихахъес къадаґабирни беклил саґадеш ахлен. ґяларван Филадельфия штатлизир мерла полицияла офицерли сарси бусурман хъунул адам хиджаб бихахъес тлалабирули судлизи дугъаризурхелели, удирикиб. Ил хъунул адамли округла судлизира апелляция бедиб. Судъяни хлукму дурасиб динна шайчб нейтралитет бузахъес чебиркур ибси, амма урехи хлебирахънила органтачи ґяж биресра асухлебарар или буриб. Мерличибси полицияла департаментла руководителъта баґахъур динни хъардирути журала палтарличил полицейскийти башес хлебарар или. Ил баґандан полициялизир рузуси хъунул адамлис хиджаблизир хъанчиличи рашахъес ихтиар хлебедиб.

Ил улкала Невада штатлизиб египетлан бусурман рурси Жана Элхифнис страховая компанияли динна шайчир мучлааґаррарнили биахъубси адабла шайчбси зарал чебахъес баґандан 400 азир доллар дедиб. 2003 ибил дуслизир хъалибаргличил рах ил Египетлизирад США-лизи гечриубсири ва школализи рашуцири. Школа таманбарес хъадурриубси рурсиличи чумал студент чебухъун ва ил карушес къасбариб, ганзилчирад лайраклили.

Сабаб – ил бусурман риъни сабри. Школала учительтани ва администрацияли ил такъсир бетхлеберхахъес селра хлебариб. Мучлааґаррарибси ва беклала урехилизи рикахъибси рурсили дурибти округла федеральный судлизир мардиуб. Бижгурдеш динна хълчиличиб аклубси буилри. Дахъал авара диуб, амма ґяйибла бегіти белгибарес ва жавабличи битаклес бетхлеур. Адвокат Роберт Коксли балахъули къяйда, суд бахъхи бухъанбилтлули чебаибхелели, Жана Египетлизи чаррухъун. Камси замана ґерґи илар шері рьякун. ґяхъацад умцлаби дарили ґерґи, Жана Калифорниялизир хъалибаргличил хлеррирули раґиб. Илала аклубли уршира леври.

Анґлиялизибси Линкольншир графствозлизибси цла дилшахъуси службали хъанчизартала палтарла жура барсбариб. Бусурман хъунул адамтас къяянни сабри цла дилшахъантала палтар челгъес. ґанна ил службализиб бузути хъунул адамтас къячлубачи кадаибти духъяна хлевни ибули сари, духъяна дулгъубачилти. Цла дилшахъантала службализиб бузути бусурман хъунул адамти илгъуна къяйґиличи разили саби.

Австралиялизиб хиджабличил башути хъунул адамтазибад урехи ахъили саби. Ил урехи аклубсири 2001 ибил дула сентябрьла 11-личир итди кахти анцбукуни кадикили ґерґи. ґанна бусурмантачи Австралиялизиб урехи аґарли хлербиклули биъниличила бурули сари Афґанистаннизирадси Сиднейла университетла студентка Макиз Ансарини. «Нуни хиджаб бихис или бурибхелели, дила бегіти дебали парґатаґарбиубтири. Илдас ґанбилкири набчи вайтла хлербиклар, ґелабадкабиркур или».--бурули сари бусурман студенткани. Австралиялизиб хиджаб бихутачи секъяйдали хлербиклулил баґес къасличил хасси хъалумцла булан дураберклиб. Илгъуна хъалумцла дураберклибсири Западно-Сиднейский университетла профессор Кевин Дуни. ґялабван илала хъалумцла печатьлизиб дурабухъун. Хъалумцла дурабулхъули 1900 адам хъарбаибтири. Илдазибад 81 процентли динна шайчирти азаддешуни ва ихтиурти ґердурцули биъни ашкарбиуб. Австралиялизиб бусурманти дебали къулайти шуртлразиб сабли убулхъули саби. Илди мерла шуртлрачира жявли бурсибурули саби.





БяхІ хъадурбарибси саби Москваллизирси ґазетала корреспондент Екатерина Денисовани

АРХИТЕКТУРА

Кордовализибси

МИЖИТ

Аль-Андалус Испаниялизи кабурхули 500 дус биубли саби. Ил Испанияла югла шайчиб мерлабиубли саби. Гъаннара илис Андалусия биклули саби. Ил бусурмантала дунъяличил уржили бархбасунси мер саби ва гъаннара илди бархбасуни мицирли лерал.



Андалусияла история руркъянтани хас-лира халаси пикри бяхичиули бирар ил IX-XI ибти даршдусмазиб сегъуна бирусирил. Андалусия беглара гъалабяхи арбякъунси манзил илди даршдусмачил цугбиркули саби. Ил манзиллизиб Андалусия къуватси пачалихъ сабри, сунези кадурхути мулка-нас эмирта бекдеш дируси. Пур илди халиф-уни бетауртири. Илди чула цакъличил ва давлумачил декларбулхъутири. Илдала дяхицилиуб бирутири Багъдадла ва Басрала халабегилти. Ил улкала центрли бетаурсири 717 ибил дуслизиб Кордова шагъар. Ил Андалусияла диркъаличибад кабухъунси Гвадалквивир биклуси хлерккла къянцилаълаличиб мерлабиубли саби.

Андалусияла тарихлизибси гъяхиси ибси ил шагъарличил бархбасунсири. Кордова лебилра дунъялис машгурбариб илизибси бурес агарли жагаси мижитли. Ил мижит-ли хълчи эмир Гябд ар-Ряхиман I-ибилли 785 ибил дуслизиб кахибсири. Ил мер-личиб илис гъалаб вестготунала Дурхъаси Висентела киласа бирусири. Эмирли ил киласала мер Кордовала шагъарлизиб хлербирути христиантазибад дахъал арцлис асибсири.

Мижит бухъанси ва дебаси барули алав-барилли саби. Ил алавчарси тлабигъатличил уржахъили белшунси саби. Ил барула луц-рала ахъдеш ца мерличиб 8 метрла саби, цархил мерличиб -20 метрла. Барула лац беглара ахъси Гвадалквивир хлерккла дублаб саби. Гъалаб ил барула дубкад арсавартачилси жагаси дякъ бирусири, чедиб бурхличилси, иличибад башути берхила буцардешлизибадра заблизба-дра мяхикамбируси.

Мижитлизи ветицлуси азбарлар шел фонтан лер, чузира булгес башутани дазала дарес бирути.

Кордовала мижит азир дус биъни-личилцун ахлен машгурси. Ранг-рангла мраморла тулрачил саби ил тамашала.

Дахъал тулри гъанна агара, илди зая-дарилли сари. Тулрачир арсаварти сари, илхелера лергер жагали някъишдарибти. Хлериклусиличи илди луглилашал дахъал арсавартани бурес агарли халаси асар бирули саби. Тулрала ахъдеш хябал мет-рличиб цакъадар халаси саби. Амма цала ца чеди делшунти арсавартани мижитла бурх гъажаибли ахъбиахъубли саби. Чина хлеризадра арсаварти сари. Илдас ахир агара или гъанбикесли саби.

Архитектортани Кордовала мижитла бухинала пальмабала вацаличил цугбур-цули бирар. Мижит барахъибси эмир Гябд ар-Ряхимайсра пальма дебали дигахъусири, илини пальмалис багъишлабарибси назму булан цахнабяхъибсири.

Кордовализибси мижит чуйнара гъарза-барибсири ва сагабарибсири. Халати дар-сдешуни кадикахъибтири Гябд ар-Ряхиман II-ибиллира.

Кордовала халиф Гябд ар-Ряхиман III-ибилли сагаси минара ташбатахъурсири. Иличи хлербиклули барибсири гур Севиъялизибси хабарла Хиральда. Амма Кордовала мижитлизиб беглара тамашала -- жагали някъишбарибси мигъраб сабри. Хекеме II-ибилла замана илала чедиб къуб-бара ташбатурсири. Ил эмирли михрабличир някъиш делклахъес Византиялизибад бурибти устни кибтири. Испаниялизиб Реконкиста таманбиубхели (бусурманта дуцибти мер-муса сагали христиантази чардхъунхели) Кордовала мижит христи-антала храмличи шурбатурсири. XIII ибил даршдуслизибад мижит Апельсинтала или ируси азбарличил бархбяхъибсири. Пур Кордовализибти давлачебти адамти, мижит лебси тяхярли батурли, мякълар чус капеллаби дирес бехлихъибтири.

Кордовала мижитли ишбархира дар-шани дусми гъалабван хлербиклути тама-шабирахъули саби.

Надежда Ионина



— Дила ну вегси жагадешла салон леб. Илаб хъунул адамтас чебетаибси къуллукъ бирули саби, жагати бетарахъули саби. Маникюр, педикюр, гурра се-сарил цархилти къуллукъуни дирули сари. Гъез рурхъули сари. Гъанна набзи биклули саби, валлагъ, илгъуна салон бихни багъандан хлед бунагъ биур, сенкун салоннизиб жагил рурсби жагати бетарули ва илдаци къакъализиб мурул адамти шавкъличил хлербиклули саби. Илала дурабад, хъунул адамтани мурул адамтала гъез къицидирес асубируси ахлен биклули саби. Нуни се бариша? Салон къяпбарившав? Се асубирусил, се асухебирусил багъес дигахъира иличил бархбасахъи.

-- Гъайгъай, ху илгъуна жура-ла баркъудилизлив узнилизив-вад гелумизадри къулайсири. Хлечиб жагабиубти хъунул адам-тира бунагъунала баркъудлу-мази ихъули бизсра асубирар. Амма шаригъятли илгъуна салон бихяхъес асубирахъули саби, эгер илизир цацадехи къуллукъу-ни дирнилизивад гелумбизалли.

ШАРИГЪЯТЛИ КЪАДАГЪАБИРУСИ САБИ:

1. Шери хлеряхъунси хъунул адамлизи бекла гъез цудара рангли рурхъахъес. Шерисри хъунул адамлиси гъез цудара рангли рурхъес асубирар муруй пурбан-бирули виалли.

2. Шерисри хъунул адамлиси муруйзи хъархебаили бекла гъез къицидарахъес асубируси ахлен.

3. Хъунул адамлиси цархил хъунул адамла гъез (къицидарилли глерги вегла гъезра) пайдаладирес. Асудирути ахлен диъ букахъес къадагъабарибти мицирагла гъезра (гулбира) пайдаладирес. Муруй пурбанбаралли искусственный гъез пайдаладирес ва шаригъятли тлаббисури тяхярли белгъунси мицирагла гъез пайда-ладирес асубирар.

4. Татуаш (бултниби) дирахъес къадагъабарибси саби.

5. Нудбазирад гъез лутлес асухебирар. Исламли къадагъа-бируси саби нудби гъярцидихъес или гъез лутлахъесра. Медицинала шайзибад ил барес хляжатдеш

аклубхелели анцбуку декларси саби. Ца ити нудбазирти гъез лутни хлярам саби.

6. Шери хлебякъунти хъунул адамтас косметикаличил пай-далабирес асубируси ахлен. Шеритас асубирар, муруй пур-банбирули виалли.

7. Цулби лукесра асубируси ахлен, цацабехи артистунани къя-дали.


Шерисри хъунул адамли мура разидешличил къяшмира някъби-ра хнали дерхъес асубируси саби. Шери хлеряхъунси хъунул адамлиси ил бирес асубируси ахлен (кара-гъат).

Хъунул адамтас хъунул адам-та дирули диэс гягнибиркур салоннизиб къуллукъуни, мурул адамтас — мурул адамта.

Аллагъли лягнатбушибси саби сунела куц барсбирусилличи, ил сай Аллагъли аклахъусигъунали калес гягнисе сай, амма цацадехи жагъалти урдизахъесра асубиру-си саби. Жагадешла салонтази-бад пайда лебси саби, амма илар шаригъятла тлабуни тамандиру-ли диэс гягнибиркур.

Салонна веглис шаригъятли асухедирахъути журабала къул-лукъуни дирнилизивад гелумизес чебиркур.

Шаригъятли асудирахъути секлапра асухедирутала луглилизе кадерхес асубируси саби, илди къадагъадарибти мурадунас пайдаладирути анцбукуназир. Иличила хъумуртес асубируси ахлен.



СУАЛТИ ВА ЖАВАБТИ

Бучланта суалтас жавабти лугули сай ДУМД-ла експертунала отделла хянчизар Мухаммад-хияжи Мяхяммадовли

— Мургъилизирад ва цуб арцлизирад дарибти тлалхяна дирцес яра исес асубирусив?

— Шаригятли асубирахъули саби мургъилизирад ва цуб арцлизирад дарибти тлалхяна исахъес ва дирцахъес. «Асна аль-Маталиб» ва «Мугни аль- мухтаж» биклуту жузазиб мургъилизирадра цуб арцлизирадра дарибти тлалхяна дирцес асубирниличила бурили саби. «Хашияту аш-Ширвани» биклуси жузлизибра ил бусурмантала законодательствола (фикхла) тлалабуначи къаршили дурабулхъули ахлен или чебаахъили саби. Мургъи-арцлизирад дарибти тлалхяна исесра дирцесра асубируси саби, амма илдази кабихъили хурег букес яра шин дужес асубируси ахлен, сенклун ил бирахъес Идбагли г къадагъабарибси саби.



— Мургъилизирад ва цуб арцлизирад дарибти тлалхяна дирцес яра исес асубирусив?

— Шаригятли асубирахъули саби мургъилизирад ва цуб арцлизирад дарибти тлалхяна исахъес ва дирцахъес. «Асна аль-Маталиб» ва «Мугни аль- мухтаж» биклуту жузазиб мургъилизирадра цуб арцлизирадра дарибти тлалхяна дирцес асубирниличила бурили саби. «Хашияту аш-Ширвани» биклуси жузлизибра ил бусурмантала законодательствола (фикхла) тлалабуначи къаршили дурабулхъули ахлен или чебаахъили саби. Мургъи-арцлизирад дарибти тлалхяна исесра дирцесра асубируси саби, амма илдази кабихъили хурег букес яра шин дужес асубируси ахлен, сенклун ил бирахъес Идбагли г къадагъабарибси саби.

— Самолетлизир дехибала дирес асубарару? Асубарар биалли, чинавахі кайзурли дирути, арцурси самолетличибкун нушани къибла чинаб сабил белгибарес хледирехле?

— Дехибала дирухлели нуша мурталра КягІба лебси шайчидяхі хлердиклули кадилзутира. Самолетличибра ил барес къиянси ахлен. Самолет сегъуна ахъдешличиб арцурли биаллира, КягІбала шали белгибарес вирар. Стюардессази яра пилотлизи хъарбаэс вирар самолет Къиблала шайчибяхі арцурси замана бурахъес. Ташкайзурли дехибала дарес имкан агарли биалли, самолетличир илди кайлира дарес асубируси саби. Дехибала дарес вирар пассажирти кабирути утнала ургабси дякъиличи тлашизурли. Ил барес бетхлерули биалли, веги кайибси мерличиб дехибайзибад барес вирусигъуна бируси саби. Масала, тлашизурли «Аль-Фатихя» сура белчлес вирар. Илкъяйда самолетличир дарибти дехибала черихъес хляжатдеш лебси ахлен, амма самолетличиб къибла чинаб сабил белгибарес бетхлерули биалли, дехибала черахъес чебиркур.

— Ну 22 дус виублира. Балугълаваили глергъи нуни ца бархлі шудехі, ца бархлі авдехі яра хлябдехі дехибала дирули калунра. Нуни гъанна чумдехі дехибала хледарили уркалахъунрал дурусли балули ахленра. Илди нуни секъяйда черахъес вируса?

— БегІлара гяхіси саби ишгъуна барадли: хлу 14 дусличив дехибала дирес вехихъили виадли, гехлел дус вирулри дехибала дирули. Гъар бархлі шудехлелра дехибала дирули калунти дусми ураса. Шел дус калунрив, 6 дус калунрив лерилра дехибала дирули белгибарес къалли вируд. Шел дус лерилра дехибала дирули калунри виадли, мисаллис, хлед черахъес калунти хлябал дусла дехибулти сари.

— Мурул адамлис клел ва гъатира имцали хъунул адамличил варх ца мерличив цунухъес асубарару?

— Мурул адамлис сай мяхІрамли ахленси хъунул адамличил цунухъес асубируси ахлен. Амма мурул адамлис клел ва гъатира имцали хъунул адамтачил цунухъес асубарар, илини илди хъунул адамтала хлурматбирули виалли. Хъунул адамлис биалли я ца, я клел яра чумал мурул адамличил цунухъес асубируси ахлен.

— Процентуни дашесли арц банклизи кадихъес асубарару?

— Роба (харжани дирни) – авал журала бируси саби. Илдазибад ца саби «роба-карз». Илхлели ца адамли цархил адамлис 1000 къуруш дедес вирар, кинайс сунес 1100 къуруш чардаресли вягда барили. Илгъуна тяхяр асухлебирусилизи ва бунагъласилизи халбируси саби. Хлядислизибра бурили саби: «Хайри баклесли бедибси чебла роба саби». Ил хлядис баянбирули, машгурти

гялимтани ишкъяйда бурули саби: «карз» (чеблалис бедлугни) ибси девли шаригятлизиб чебла сайсусилис къулайдешлизиб биъни иргъахъуси саби, чеблалис арц дедлугусили сунес къулайти шуртІри кадилзахъули виалли, илини шаригятли кабизахъурси шартІ булъули сай. Ил багъандан адамли сунес хайри баклесли банклизи арц кадирхъули виалли яра банкли адамлис сунес хайри баклесли чеблалис арц дедлугули биалли, ил роба саби, бунагъла баркъуди саби.

— Къудратла Вегили нуша аклахъубли виалли ва ил нушани сунес суждабирниличи хляжатли хлейалли, сен нушачи дехибала дирахъес хъарбарибси?

— Аллагъли нушачи сунес суждабирахъес хъарбарибси саби нушала мутІгІдешла хлялумцлес багъандан. Дехибала дирнилизібад гяхІдеш бируси нушаб саби, Аллагълис ахленну. Хлуни тлашбатурси суал бегІти чула дурхІни чус мутІгІли биъниличи хляжатли хлебиалли, сен дурхІначи бегІтас мутІгІли биэс чебси ибнигъуна саби.

— Жамигятличил дарх дехибала дируси замана булгутала киибил къяй чинабад бехІбирхъуси?

— Киибил къяй бехІбирхъуси саби имамлис гелабад кабизуртала къяйличил дурусли имамличібад клелра шайчибяхі.

— Виштласи дурхІялис умудеш бирухІели, нешла дазала дулъутив?

— Уршилис умудеш бирухІели, илала някъби виштлалла урезидехІличи къяххледикили глергъи, дазала дулъути ахлен.

— Дехибала дирнили бунагъуни урдилзахъутив?

— Ге, дехибултани бусурман адамтала диштлати бунагъуни урдилзахъути сари, амма халати бунагъуни – адам кавшни, зинабарни, палчидеш дузахъни ва цацадехі цархилти урдилзахъути ахлен.

Нушала Идбагли г буриб: «Гъарли-марли, дехибултани илди дирес ургар дарибти бунагъуни ицу, амма халати бунагъуни ахлентицун».


Адамлис бунагъ барибси гъарил анцІбукъличи пашманирес ва тавбадирес чебиркур.

ХІЯМІС

Унра гушли ватурли, сай велкъайчи укуси адам муъмин адам ахлен

— Дехибала дируси замана (черлидиубти диабет яра суннатла) мимпяхІличи (подставкаличи) кабихъибси Къуръаннизибад учлес асубарару?

— Хлушала гъала кабихъибси Къуръаннизибад учіни гяхІси ахлен (макрух). Хянапила мазгъабла цацабехі гялимтани илкъяйда Къуръаннизибад учінили дехибала дулъа или булан бурули саби.




— Иш дунья Аллагъли Мухаммад багъандан аклахъубси саби биклули саби. Ил бархъсира?

— Къуръаннизиб бурили саби (мягІна): «Аллагъли хлушаб заклизиртира ванзаличиртира лерилра секІал мутІгІдарили сари» («Джасият» сура, аят 13). Илизибад иргъуси саби гляршла удир лерти лерилра секІал Къудратла Вегили нушаб аклахъубти диъни.


Аллагъли Адам идбаглизи иб: «Мухаммад агарси виалри, хлу нуни алклахъуси ахленри» («Хадисулъ къудси»). Эгер Аллагъли заклизиртира ванзаличиртира лерилра секІал Адам ва илала къур багъандан аклахъуб виалли, Адам виалли Мухаммад багъандан аклахъубсири. Хлебиалли илизибад иргъули саби Аллагъли иш дунья Мухаммад багъандан аклахъубси биъни. Илгъуна пикри глеббурцули саби вагъабизмала идеологунани булан, масала, ГяхІмад ибн Таймийани.

НАСИХИЯТ



— Сунени цархил бусурман адам капурдешлизив гяйиблаируси адамличил варх кайзури жаназала дехибала дирес асубирусив?

— Асухлебарар, сенкун, хядислизиб бурни хясибли, бусурман адам капурдешлизив гяйиблизи урци херхуси виънила (куфрула) лишан саби. Капурлис гела тлашизурли жаназала дехибала дарес асубируси ахлен.



— Бутнадли багъа бедесли мас асес асубару (рассрочкалис)?

— Вачар бузахънилизиб къадагъабарибси журализи халбируси сунес «байатайни фи байатин» биклуси (цализир кел вачар) журацун саби лебси.

Масала, мас бирцан виклули сай: хлуни гъанна багъа лугули виадли, иш къалиян хед нуни 3 азирлис лугулра яра хябал базла гьегъи багъа гесли 4 азирлис. Мас исан виклули сай: ну къабуллира. Хера илгъуна журала вачар шаригъят хясибли къадагъабарибсилези халбируси саби. Амма мас исанни саркъахъили буралли иш секлал хезибад нуни бусъгъят 3 азир къурушлис исулра яра 4 авал азир къурушлис исулра ва багъа хябал базла гьегъи лугас алли, илгъуна вачар гьарлимарсилези халбируси саби.



— «Майсир» ибси девлиуб Аллагъли се къадагъабарули?

— «Маидат» биклуси сурализибси 90 ибил аятлизибси «майсир» ибси девличил хяшкълизи виркахъути лерилра хязани къадагъадирули сари, ил лугилизир нардаби ва цархилти илдигъунти хязани диахъубли, илхели лотореализиб къяйдали пайда сархес къасличил ставкаби дирули биалли.



— Сунезиб «пепсин» лебси нуси беркес асубару?

— Пепсин имцлати анцбу-къуназибцураладарглизибад сабилтлуси секлал саби. Нушани якъинни балули диахелли ил пепсин цурала дарглизибад барибси биъни, ил бархаибси нуси беркес асухлебарар, ил хярамси саби. Хянапила мазгъаб хясибли биалли, сегъуна-биалра секлал, масала, нуси, сапун ва цархилти дирухелли нажас пайдалабарили биалли ва ил барибси секлайзиб бацили бетахъили биалли, илдигъунти секлутли пайдаладирес асубируси саби.



Дагъиста Динна Идарала хянчизартани ва Ас-Салам газетала редакцияли табасаран мезличил дурабулхъуси Ас-Салам газетала редактор Касимов Пирмухаммадлизиди сунела **узи Рамазан** гямрулизивад шалгевухъниличил бархбасахъи, халаси децл балахъули саби.

Къудратла Веги Аллагъли сай алжунтази катаб. Дурхъаси Аллагъли калунти узи-уршиличи ряхлму-урклеци имцладараб. Амин.

ТЕЛЕФОННИЗИРАД ЖАВАБТИ

Номерла суал:

Мухаммад идбагла г сегъуна къиликъ Глебасес дигахъадари хлушаб?

Наб дигахъира Мухаммад идбаглизибад г сабур глебасес, сенкун ну гъамадли хяйзи риркуси адам сарра. Нунира хясибирули рирус сабур хлебиули биъни.

8-928...92

Леттанилра гьерасили дигахъира нушала Идбаглизирад г Аллагълизивад урухкини ва Къудратла Вегиличи диги, Аллагъ чеэс ва иличи гъамизэс къас. Ил барес багъандан алжанализи ваэс хяжатси саби, илизи ацлес багъандан чедир гъандушибти къиликъуни диэс гьегънибиркур. Дашира нушала Идбагличи г мешудикес къасбирехлену.

8-928...60

Идбаглизиб г лебси цалра къиликъ Глебасес бикалра наб баибсири.

8-988...95

Илизиргъунти сабурра, иманра, багъудлу-мира диубли дигахъира. Сабурлис къалли – алжайзи гъуни саби биклули саби.

8-928...96

Марлирагу, нушала Идбаглизир г дахъал гьахти къиликъуни лерли дуили сари. Илван урклецичевсили, Аллагълизивад урухкисили ва сабур лебсиле ветаэс дигахъира. Ишбархли бахълис бегларла хлебиуси – ил сабур саби.

8-928...96

Ашкарлигу, Идбаглизирти г лерилра къиликъуни дураласи ва бухналаси дунъя жагабирахъниличи ва давлачеббирахъни-личи дяхъичаибти сарри. Нуни халбирулра бусурман адам гьар секлайзив гьибратли виэс гьегъниси сай или. Илис бикъруми сари нушала Мухаммад Идбагла г хял-тлабигъят.

8-928...78

Малхямдеш ва хялалдеш, цархилтас кумекличи муза-улхъни. Мурт-биалра набчи кумекбарахъес адам музав-хъалли, нуни илис кумекбир-ис ил бусурман саял ахленал херхлеили.

8-928...49

Илизирти лерилра къиликъуни гьерасес дигахъира.

8-988...16

Сабур, малхямдеш, къас... Гъайла къантла, набзир гъанна-лис хедиути лерилра секлал.

8-928...63

Наб Идбаглизибад г сабур глебасес дигахъира. Адамлизиб бегларла гьахси къиликъ — сабур саби.

8-988...49

Хялалдеш гьерасес дигахъира.

8-988...88

Наб дигахъира набзирра Идбаглизибгъуна г иман биубли.

8-928...69

Идбаглизибад г сегъуна къиликъ глебасес виаслира ну иличи разили вирира, сенкун

ил халаси гьахдешли ва набчи барибси урклецили бири.

8-928...73

Къудратла Веги Аллагъличи диги. Илхели ну таманни талихчевли вирира. Къудратла Веги Аллагъли нушала урклецили гямрулизир детерхахъес икъалабараб.

8-988...48

Наб илизиргъунти бархъдеш ва сабур диубли дигахъира. Нуни цацахелли камси сабаб багъанданра къяна бурули рирус, илкъяй-да биубли наб хейгахъира. Гьимхлеруркес, сабурбирес бурсириэс дигахъира. Амма селичибалра дигахъира Идбаглизибгъуна г иман биубли.

8-928...43

Нуша гъачамлис Мухаммад Идбаглизирад г дебали гъарахъли лералра. Илизиргъуна бархъдеш лебли дигахъира. Гъатлра гьахсири илиниван сабурбирес бурсивиэс вируси виалри.

8-928...58

Наб дигахъира Мухаммад Идбаглизибгъуна г урклила гьаргдеш биубли.

8-928...81

Гъанна бахъ адамтазир камдиубли сарину, наб дигахъира набзирра Мухаммад Идбаглизирцад г адамдеш диубли.

8-928...55

Рузнама

ИЮЛЬ

ДНИ	Утренний Ас-Субхл.	ВОСХ.	Обеден. Аз-Зугър	После-обеден. Аль-Гаср	Вечерн. Аль-Магъриб	Ночной Аль-Гишаъ
1	2.53	5.15	12.53	16.56	20.34	22.33
2	2.53	5.15	12.53	16.56	20.34	22.33
4	2.55	5.16	12.53	16.56	20.33	21.31
6	2.58	5.18	12.54	16.57	20.32	22.30
8	3.01	5.18	12.54	16.57	20.31	22.29
10	3.03	5.20	12.55	16.57	20.30	22.28
12	3.06	5.21	12.55	16.57	20.29	22.26
14	3.09	5.22	12.55	16.56	20.28	22.24
16	3.11	5.24	12.55	16.56	20.26	22.22
18	3.14	5.26	12.55	16.56	20.25	22.20
20	3.17	5.27	12.55	16.56	20.23	22.16
22	3.19	5.29	12.55	16.55	20.23	22.14
24	3.23	5.31	12.55	16.55	20.21	22.10
26	3.26	5.32	12.55	16.54	20.20	22.07
28	3.30	5.34	12.55	16.53	20.18	22.03
30	3.34	5.36	12.55	16.53	20.15	22.00

Учредитель
Благотворительный фонд «Путь».
Газета печатается по согласованию и одобрению Духовного управления мусульман Дагестана

Редакционный совет
Председатель редакционного совета муфтий РД
Ахмад-хаджи АБДУЛАЕВ

заместитель муфтия РД
Мухаммад ДАВУДОВ

Редактор
Патимат ВАГИДОВА
Канонический редактор
Гарун ДЖАГУМОВ

Верстка
Асият ХАНОВА
Ахмед МАГОМЕДОВ

Набор
Тавсултан САИДОВ

Менеджер
Мухаммад ХИРИЯСУЛАЕВ

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону).

Свидетельство о регистрации
ПИ № ФС 10-6401 от 15 декабря 2006 г.

Индекс 51390

При перепечатке ссылка обязательна.

Набрано и сверстано на компьютерной базе газеты «Ас-Салам».

Отпечатано в ООО «Дом печати» по адресу: пр-т Акушинского, 20.

Заказ № _____

Сдано в печать 12 июня 2009 г.

Тираж 3800 экз.

Адрес редакции

367015, РД, г. Махачкала,
ул. М. Ярагского, 128.
Тел.: (8722) 61-00-64.

По вопросам подписки и доставки обращаться по телефонам:
по Республике Дагестан — 8-988-699-28-24
по г. Махачкале — (8722) 914-222.

E-mail: info@assalam.ru;
www.assalam.ru